


Sente tlapacho omoyolkokouaya





Kuak okikakej nin tlajtolmej non
pipiokonemej la opejkej kinekij non kokokoneton.

Uan kiyon otlasalojkej nochipa tenekiskej.

Se uelta oktaya sente pioton tlapacho
poktik. Nin pioton okimpiaya makuile ipiluan.
Iuan non makuile otlakat sente kokokoneton.
Non pipiokonemej oktayaj chichiltik, chipauak,
kokostik uan poktik.

Non kokokoneton oktaya tlitliltik
kuakuakuale.





Uan non inuaxka non pipiomej momostla
okintlamakaya ka tlakualispan.


Nochipa onentinemiyaj ka kiauak uan ka
ikuitlapan non kale.

Kuak non pipiokonemej amo okimitayaj
non tlapacho, okitzojtzopiniayaj non kokokoneton
ka non intenpias. Non kokokoneton la otzajtziya,
mas ijuan amo okikneliayaj.

Non ualmostla non kintlamaka
okintlamachtlali nochtin uan okimili:

—Nejua oniktlali sente itotlte kokoneton
iuau non itotlteuan non tlapacho, kuak otlakat
nin kokokoneton.





Mas non tlapacho amo otlakua. Uan non kintlamaka okitlajtlani non tlapacho:

—Tleka amo titlakua?

Okinankili non tlapacho:


—Amo nikpia pakilistle, por nikimita nin nopolipioconeuan amo kinekej nin nokokokone.


Okinankili non kintlamaka:

—Amo ximoyolkoko. Nikinmilis tleka otlakat iuan non pipiokonemej non kokokoneton.

Sente non pipiokonetl okili non kokokoneton:

—Tejua amo sikej tejuan. Tejua tikpia nin monakayo tliltik uan kachi tiueyi.





Non tlapacho okitak amo okinekiyaj non kokokoneton, mas ijua la okinnekiya inochtin.

Uan ka iyouak kuak omotekatoj, non pioton tlapacho nochtin okintlapacho non pipiokonemej ika non iyestlakapaluan. Ijkuak non youale non tlapacho opej monemilia kenika kichiuas para ma ayekmo kiteuikan non kokokoneton.

Uan se tonale non kintlamaka ope
kintzajtzilia ikuitlapan non kale para kintlamakas.
Okimili:

—Piyo, piyo, piyo.

